

醫編卷之四

南海何夢瑤報之輯

松江李林馥啟賢氏校正

雜症

鼻

肺開竅于鼻

胃脈起鼻兩旁

筋亦結兩旁交頰即山根

大腸脈夾鼻孔

小腸脈抵鼻

膀胱筋結鼻下兩旁

氣出于鼻氣熱且鬱則蒸成水而為涕但熱不鬱則乾且

痛而帶辛

鼻塞一由腦冷而氣化液下凝於鼻

如天寒呵氣成水也腦暖立通

一由氣熱蒸涕壅

塞固矣乃極力去其涕而仍不通者則竅之外皆涕液之所浸淫肉理脹滿竅窄無

縫故也

風寒外束氣不外越止從鼻竅上出則鼻氣盛而喘息有音初時氣勢上

壅之甚故化水速而多且清後則勢畧緩故涕不即出久蒸而成濁然濁涕有不由

外感者素問謂膽移熱於腦則辛頰鼻淵

鼻流濁涕如泉不止也

傳為衄

衄衄鼻出血也熱甚所致瞑目

也血因衄而虛不能養目由膀胱脈絡腦受腦之熱注于胃脈薄于頰中故鼻辣痛而濁涕下蓋

腦液下滲也俗名腦漏防風湯

衄血詳血症門

偶感風寒鼻塞者自作風塞治

若平日常常鼻塞不聞香臭或值寒月或畧感風寒即塞者乃肺經素有火鬱喜熱

熱則行散故喜之

惡寒故畧一感寒即發氣壅不舒熱鬱於腦眈淵癰痔皆由此生清金降

火為主

桑白皮不可少佐以通氣之劑

氣有餘為火固矣亦有脾胃氣虛不能升發鬱而

成大者補中益氣湯見主之 外治灰蒂細辛麝香為末棉裹塞鼻或葶藶仁和棗搗塞每日易之

常流濁涕名鼻淵六味丸見虛損 甘菊薄荷玄參蒼耳子腦屬腎故用六味又有腦痛

鼻出臭黃水俗名控腦砂有蟲食腦用絲衣藤近根者三五寸燒存性酒服二錢立

効外用桃葉作枕傷風門又見

常流清涕名鼻鼽肺熱者肺熱則氣盛化水成清涕其不為稠濁者火性急速隨化隨流不及濁也 桔梗山梔薄荷麥冬

玄參辛夷甘草若因腦冷所致腦冷則氣化液下溜如天寒呵氣成水也 蒼耳子乾薑升麻藁本辛夷川

芎肉桂

肉痔癰鼻中肉贅臭不可近痛不可搔此濕熱壅盛所生如地濕熱而蒸成芝菌

也清肺飲羌活勝濕湯見傷溫 或白茯苓梗山梔黃芩辛夷白芷木通柴胡防風蒼朮

薄荷外用白礬末加硃砂少許吹之或灰蒂細辛麝香為末棉裹塞鼻即化黃水桃

葉嫩心亦可塞又雄黃白礬苦丁香為末霜梅肉搗膏作條入鼻內亦効

鼻瘡黃連大黃麝香為末擦鼻中辛夷膏亦可內服烏犀丸

肺熱鼻乾無涕心神煩亂犀角散桑根白皮散

鼻痛葛根竹葉青黛薄荷防風石膏升麻石斛外用宣腦散取鼻中黃水 食物卒

從鼻中縮入介介痛不出以牛脂或羊脂如脂頭大內鼻中吸入須臾脂消則物與

同出

鼻紅赤或紫黑陽明血熱多得之好酒熱氣薰蒸肺葉故鼻紅赤若為寒冷所搏凝結不行則瘀濁而變為紫黑治須融化滯血滋生新血去風熱丹參生地當歸紅花山梔桑白防風薄荷煎服或酒製四物湯見血加酒炒片苓陳皮生甘草酒紅花生薑煎調五靈脂末形肥氣弱者加酒黃芪臨服入好酒數滴為引若素不飲酒則為肺家風熱前一方加荊芥亦或臟中有蟲用去蟲藥外用杏仁二十個去皮胡桃二個連瓦上焙不可焦大楓肉三個水銀三分唾津手研成黑水塗之三兩次愈

鼻氣臭非癰痔其人病重者乃臟壞氣臭不治

口

脾開竅於口 胃筋脈夾口胃經血氣少兩吻多紋畫 大腸脈夾口交人中

口苦心熱黃連生地麥冬丹皮必用膽膽熱則膽汁上溢亦苦柴胡龍膽草生甘草棗仁茯神生地 口淡胃熱石斛石膏竹葉青黛濕盛加白朮半夏茯苓又大瀉後

多有口淡者不可作熱治口甘脾熱白芍山梔蘭草花粉黃連 口鹹腎熱六味湯

見虛損加玄參知栢 口酸肝熱柴胡黃連胆草逍遙散越鞠丸並見 口辛肺熱桔

梗山梔黃芩桑皮二冬沙參

口常流涎脾胃熱津溢也清胃散見齒亦有脾虛不攝者六君子見氣加益智妙亦有腎

熱者六味丸

見虛損加知栢

口乾溢火盛津虛大忌五苓星半五味為君加二冬白芍生甘草人參烏梅又用黃

芩葛根

生津

防風薄荷

二味疎風按風即熱也

括萁

去痰不用星半而用此取潤惡燥也

又生津方神效

口瘡熱與痰上盛也口舌狀如無皮曰口瘡糜爛曰口糜實熱者板用寒涼金花丸

涼膈散

見發熱

升麻飲之類西瓜漿最妙冬用西瓜皮燒灰噙黃連散去熱涎亦有虛

熱者脾胃氣虛下陷鬱而成火上炎所致補中益氣湯

見氣

加竹葉花粉若下焦虛寒

逼其無根之火上炎者八味丸引火歸元外用生附子末唾調塗足心若腎水虛火

淡者六味丸加知栢晡熱夜熱血虛也八物

並見虛損

加丹皮五味麥冬口破色紅腮

舌腫乾渴涼膈散

見發熱

赴筵散色淡白不渴由思煩多醒少睡虛火所發滋陰四物

湯柳花散

口瘡連牙根爛痛玄參散久不愈以五倍末擦之使收斂

鵝口初生

小兒滿口生白屑也心脾熱所致先用綿蘸水洗去後用冰硼散吹之內服涼膈散

口疳多食肥甘積熱所致用口疳藥吹之

口苦無皮中氣虛熱清熱補氣湯

口臭竹葉石膏湯

見煩燥

加減甘露飲

胃火之臭必穢濁若臭而饒腐則食停不化之臭當所

口腥臭肺熱也

桑白皮地骨皮黃芩知母五味子麥門冬桔梗

懸癰生上腭發紫泡者是銀針挑破吹口疳藥碧丹

見咽喉

亦可口菌生牙肉上隆起

形如菌紫黑或生舌上俱口疳藥吹或用茄母蒂燒灰鹽拌醋調時擦

唇

脾之榮在唇四白 胃脈環唇 肝脈環唇內 三經熱盛則唇紅甚寒則青黑氣血兩虛則黃白血液虛熱則乾燥甚則裂風動則瞤唇動不止也 驗臟府之寒熱莫便於此

唇乾生地麥冬山藥當歸白芍人參蜜 冬月唇乾折裂血出用桃仁搗猪脂調塗

唇裂石膏黃連當歸生地石斛竹茹生甘草蜜風熱者白芷升麻防風黃芩甘草

唇潤柴胡防風荊芥山梔生甘草當歸赤小豆薏苡 唇青黑理中湯見中風 唇

繭腫起白皮皴裂如蠶繭亦有唇下腫如黑棗者亦有不腫縮緊小起白皮者名緊

繭皆燥熱所致治須潤燥清火消風大概以養血為要腎虛者內熱口乾吐痰體瘦

濟陰地黃丸肝火柴胡清肝散胃火清胃散見齒脾經風濕瀉黃飲子 唇瘡蟲食喉

則上唇瘡聲啞食肛則下唇瘡咽乾黃連犀角烏梅木香雄黃桃仁煎服 亦有氣

鬱生瘡翫上滴下汗敷之如神白荷花瓣貼之亦效 小兒燕口瘡燕窠土擦髮灰

擦並效 大抵唇口舌諸瘡暴發赤腫痛者多實熱涼膈散見發熱 梔子金花湯可用

若日久色淡瘡白時痛時否多屬虛熱清心蓮子飲見赤白濁四物湯見血虛加知柏丹皮少

佐肉桂補中兼清可也若服涼藥久不愈者以七味地黃湯見虛損 冷服引火歸元甚

則加附子

齒取牙

男子八歲腎氣實而生齒三八而真牙生五八則齒槁八八而齒去矣女子亦然以七為數蓋腎主骨齒乃骨之餘髓之所養故隨天癸為盛衰又胃經之支者入於上齒大腸經之支者入於下齒故腎髓足腸胃實則齒堅牢虛則齒搖動 齒痛者皆齒之根肉痛也由風熱濕之邪入聚為液為涎與齒間之氣血相搏擊而痛濕熱盛則痛且腫風熱盛則痛而不甚腫又濕熱生蟲蝕其牙根則亦痛 又風熱甚搏擊於血則血出甚則氣血腐化為膿出臭汁名齒齕齕肉消蝕則齒根露而挺出名齒挺腎熱則齒色黑而槁腎竭則面赤黑

齒痛腎虛無熱者但搖動不痛痛必因風火與蟲風有外風有內風內風即熱氣外風則外感之風寒也內有火為外風所鬱則益烈故痛甚亦有頭腦感受風寒腦痛連齒者羌活附子湯發散之此腎經虛而犯風寒也齒屬腎腦亦屬腎寒邪犯腎為傷根本宜急治緩不可救真頭痛者必死是也白芷散亦可此証必喜熱齒亦不腫不蛀蓋暴病也與素病齒者異若不連腦止連頭頂者乃外風鬱熱於內也立效散濕熱甚而痛者承氣湯見大便不痛下之輕者清胃散六鬱而痛者越鞠丸見風熱而痛者獨活散不愈茵陳散中氣虛而痛清陽不升而濁火上炎也補中益氣湯見氣比証多有齒縫脈不能嚼者腎經虛熱者

六味丸

見虛損

諸証未能細辨且與消風散

頭指抹又並宜香附

炒三分炒鹽一

分研擦又石膏胡椒為末擦立愈

牙痛用清涼藥反甚者從治之華撥川椒薄荷

荊芥細辛樟腦青鹽為末擦則熱散而不鬱

得熱則痛得涼則止常欲吸涼風者

以黃連梧桐律之苦寒薄荷葉荊芥穗之辛涼治其濕熱更以升麻引八胃經以羊

角灰引八腎經加麝香少許為末擦又以調胃承氣湯

見大便不通

去芒砂加黃連下三

五次胃熱致痛不可忍連頭腦滿面發熱大痛其齒喜寒惡熱清胃散亦有得寒

而反痛者熱被鬱也亦有惡風寒者熱已為風寒所鬱故惡也金沸草散

嘔

齒縫

有紅肉努出者消風散

見頭痛

臨卧茶點服乃入荊防白芷蜂房之屬煎頻漱口亦

有寒熱並惡者寒熱之邪混雜作痛也宜當歸龍胆散益智木律散惡寒之情多于

惡熱者寒多熱少也草豆蔻散惡熱之情多於惡寒者熱多寒少也立效散麝香散

上牙疼升麻散惡熱者灸足三里

下牙疼白芷散惡寒者灸三間

腎虛牙浮

長動搖欲脫而痛者六味丸八味丸

並見虛損

黑錫丹

逆見

擇用齒長漸至難食名髓溢

蓋腎水不藏而浮泛之故白朮煎湯漱服長用制牙牢牙散白牙散羊脰散

蝨蛀數年不愈當作陽明畜血治之桃仁承氣湯

見血料丸服好酒者多患此

蝨蝨血証

蛀牙痛蘆薈白膠香塞蛙孔內

松脂銳如錐者塞孔中少頃蟲出脂上

溫米

醋漱出蟲愈

天仙子燒烟用竹筒抵牙引烟薰之蟲即死

水瓦片置油拌韭子

燒烟閣在水碗上以漏斗覆之薰牙蟲如針者皆落水中 蟲出穴空而痛者乳香
炙軟實之樟腦川椒各五分研碎放銅杓內茶鍾蓋稠麪封四圍勿令走氣微火升
之少頃覺聞樟腦氣取起地上候冷揭開藥俱升在鍾底入磁器收貯每用少許塞
痛處立愈

牙齦宣露蔓荊子生地黃地骨皮青蒿各一兩郁李根皮二兩每用五錢水煎熟含
冷吐 蚯蚓屎水和為泥火煨赤研如粉臘月猪脂調敷日三次

牙齒動搖還少丹地黃丸見虛 陰虛內熱者甘露飲

牙齒不生黑豆三十枚牛糞火燒令烟盡取出細研入麝少許研勻先以針挑破不
生處令血出乃塗藥不可見風忌酸鹹物露蜂房散 川升麻散

牙槽風齒痛不已齦肉連頰浮腫紫黑出血腐爛口疳藥內加牛黃倍珍珠兒茶頻
吹久不愈牙縫出膿甚則齒落名牙漏上邊龍門牙落不治 外吹疳藥內用滋陰降火之劑又

牙槽風潰後腫硬不消出臭血而不出膿者名牙疳臭穢難近清胃散有風加防風
甚則用蕪荑消疳湯數下之牙疳爛黑防穿腮蘆薈消疳飲外用人中白散疳速者

一日爛一分兩日爛一寸殺人最速名走馬疳鼻梁發紅點如硃及上唇龍門牙落
者死口疳藥見加牛黃小兒痘後毒發多此証或用綠礬一塊安鐵鑪器上燒乾先

用青絹蘸濃茶攪口淨乃敷之若惡寒喜熱胃氣傷者補中益氣見虛

牙癰俗名牙蟬初起齧肉或上或下或內或外腫硬成條是也口疳藥吹之
牙齦處痛也初起勢盛夜尤痛甚清陽散火湯外用金碧二丹吹並見喉若牙關緊閉
用黃熟香削釘漸搖進牙關漸開即吹之 牙肉腫如豆大或內或外無定處先
用金丹後用口疳藥

穿牙疔先二日牙痛發寒熱後痛更甚齧上發一紫塊齧肉皆紫黑者是主金丹加
碧丹吹之內服涼血清火解毒之劑破者口疳藥加牛黃小兒馬牙齧上有白色
如脆骨者是將發此毒即打嚏日日以針挑之牙疔因食酸所致胡桃解之
滿口牙出血枸杞為末煎湯漱之然後吞下立止又馬糞燒灰存性擦之立止
欲取牙鳳仙花子為末糝牙根自脫乾玉簪花根亦效

舌

舌為心苗 脾脈連舌本散舌下 腎脈挾舌本 膀胱三焦筋並結舌本 肝脈
絡舌本

舌胎見四診察舌條 舌衄詳血門 舌腫痛舌下腫似又生一小舌名重舌腫硬

不柔活名木舌皆心脾胃經蘊熱涼膈散見發熱梔子金花湯見唇玄參升麻湯熱而痰

盛者清熱化痰湯 重舌外治桑皮殭蠶髮灰醋調敷舌下金丹見喉吹更妙並用

黃連犀角山梔丹皮生地木通赤芍麥冬連翹生甘草木舌腫甚色如猪肝滿口脹

塞先於舌尖或兩旁刺之又看舌下有如螻蛄卧蠶腫突者刺出紫血棉蘸甘草水潤之用百草霜細研醋調傳舌上下或同鹽等分并花水調塗凡舌腫脹宜刺舌尖或舌上或兩旁出血惟舌下廉泉穴屬腎經慎刺恐出血太過則瘡按木舌有不痛者痰濕盛於熱也又有麻舌火噎痰涕故麻或血虛氣溢亦麻理詳痺門舌強舌腫必強即木舌之不能柔活也干黃散又用蛇蛻燒存性全蝎等分為細末傳之又有痰涎滯其筋脈不能轉運而強者

詳中風門

又有熱極燥血不能榮其筋脈拘急而強者

詳中風門甚則為卷縮

舌卷縮

肝經熱極血枯不能榮筋故卷縮又傷寒直中陰經寒

甚筋脈收引亦卷縮并詳傷寒然經謂邪客三焦之絡喉痺舌卷口乾心煩又謂大腸筋病轉筋舌卷則不止肝之一經為然可知亦不止傷寒一証為然可知矣風

寒濕所中而舌強卷縮小續命湯

見中風

挾熱升麻湯加桔梗漱之碧雪傳之舌出

不收熱甚

縱長之與腫大也故皆為熱甚

珠末冰片等分敷之內服黃芩礬蠶膽星烏藥竹瀝等

去痰清熱

傷寒熱毒攻心及傷寒愈後不能調攝

陰陽易常有此

與中毒大驚產後俱有

之甚有出數寸者用巴豆一枚去油取霜紙燃卷之內鼻中舌自收此治傷寒後不調攝者產後者硃砂末傳舌令作產子狀以二女掖之乃於壁外潛累盆盞觸倒作聲聲聞而舌收矣餘者雄雞冠血浸舌或冬青濃汁浸舌縱流涎涎從舌下廉泉穴出乃腎火盛而逼津液上出也神龜滋陰丸

見

苓連梔柏竹瀝薑汁等可用舌

乾裂花粉散瀉心湯舌生瘡甘露飲 口舌生瘡體倦食少清熱補血湯不應補中
益氣湯氣見加五味子 思慮太過血傷火動者歸脾湯血見加柴胡梔子丹皮 舌下
生水泡初起一漸至七八枚名連珠疳吹口疳藥口

咽喉

咽在喉後主納食胃之系也喉在咽前主氣出入肺之系也 胃腎肝三脈循喉

任脈至咽喉 靈樞謂手陽明大腸手太陰肺經之正循喉嚨足少陽膽經之正挾咽

脾脈挾咽 心脈支者挾咽 小腸脈循嗑咽 按咽喉為飲食呼吸之路居臟

府之上不論何經之邪皆得上干之觀經謂邪客手少陽三焦經之絡令人喉痺可知

不必其經脈之循於咽喉者乃能為病矣 咽喉之病皆屬火有上焦火盛者有下

焦火衝者以致痰涎氣血聚結腫痛閉塞

蛾喉腫痛在咽喉兩旁者名雙乳蛾形若蠶蛾故名亦有形若粟者 在一邊者名單乳蛾如白星

上下相連者名連珠蛾但張口可見者吹藥易到針刺易施深而不可見者頗難治

俱宜服清咽利膈湯吹冰硼散見易見者膿熟針之難見者桐油錢搽吐膿血若痰

壅氣急聲小探吐不出者危急用三陵針刺少商穴在大指甲內邊去甲韭葉許刺深二分 出血仍吹

服前藥緩緩取效 若形如圓眼有紅絲相裏或單或雙生於喉旁有頂大者不犯不

痛名為喉瘤由肺經鬱熱多言損氣而成忌針益氣清金湯外用消瘤碧玉散點之

喉痺者閉塞之謂飲食難入語言難出喉中或有瘡或無瘡或有塊如丸如拳若初起即發寒熱勢甚而急且痛且痺繞頸紅腫痰涎壅塞聲如拽鋸即名纏喉風須臾不救急令張口針其喉中腫處並刺兩手少商穴出血或以桐油錢探吐其痰隨用甘草湯漱口以解桐油之氣為上策若牙關緊閉用巴豆油紙撚蘸吹滅令鼻吸其烟即時口鼻流涎牙關自開或水化解毒雄黃丸吹鼻達烟即吐牙關亦開隨用上法以通其閉塞頻服喉痺飲或清咽利隔湯吹金碧二丹或冰硼散吹藥內須加牛黃功效乃速 準繩急喉痺有聲如鼾痰涎壅者此為肺絕之候宜參膏用薑汁竹瀝開服或先煎獨參湯救之遲則不及予按此証屬風火急暴痰涎壅塞致氣閉塞以死非氣虛也不務療痰出血而補氣何也及見醫貫引此有証云類中風多此証又觀景岳全書論陽虛喉痺謂非喉痺因於陽虛乃陽虛由於喉痺緣患喉痺而過服寒涼或艱於飲食致中氣虛寒暴脫聲如鼾痰如拽据宜人參湯救之云云乃知準繩所言不為初起實証立法勿誤會也 腫發項外腫脹痛者防透咽喉不可輕針急用皂角末吹鼻取嚏其腫即破或兼用皂角末醋調厚敷項腫 凡喉証皆由內火熾甚若兼感風寒則火被寒束其性更烈有舌脹出口攪動者名弄舌喉風治法大概相同凡兼外感者切忌胆凡等酸收之藥吹點欬熱不散又忌硝黃等下劑致陽下陷

凡同時多病此而惡寒者屬時行之寒疫也即為外感

當用甘桔湯加黃連殭蠶荊芥半夏鼠

粘子根薄荷等發之扶虛者加人參當歸輩水漿不入者先用解毒雄黃丸四五粒
極酸醋磨化灌令吐痰在上言不可用酸收此用醋者為吐痰計也吐痰須收飲更用
生薑汁灌之去一以散寒一以却用上藥得咽喉証最忌半夏生薑以內火可用若風寒結熱

先於耳前聽會穴起形如瘰癧漸攻咽喉腫痛者宜速用牛黃清心丸兼服清咽利
隔湯吹冰硼散若純是內火不兼外寒則酸澀之品硝黃之劑正當用矣大約
擦痰出血為此証急務按此証有無兼外感最難辨何則外感必發熱惡寒脈浮

而此症急者初起亦發寒熱脈浮若初起一二日不發寒熱故難辨也須問其有無

受風受寒及有無時行証同細細察之大抵無外感者必先一二日見胸膈氣滯痰壅後見喉痛乃身發寒熱若因外感者必先發寒熱後見胸膈氣滯痰壅咽喉痛也

以上皆言急証若緩証便宜緩治喉痺飲徐徐頻與不可過用寒涼恐痰結胸中
得寒則凝滯不運漸至喘塞不治具有氣急閉甚者殭蠶為末薑汁調下立愈或馬

蘭根苗搗汁鵝翎蘸探吐或飲汁亦妙或以汁和醋含漱皆可此証必問二便便
利者浮游之火上攻宜消風熱降氣解毒喉痛連胸紅腫而痛恐是肺癰必用蜜調

藥加百草霜桔梗為要婦人喉証先問月經閉者用通經藥一服愈此証雖因
於火而火有虛實實火因過食煎炒濃酒厚味蘊積熱毒其証煩渴便閉宜用重劑

潤下泄其積熱大便通後乃用去痰解熱之藥清和上焦然元氣有餘可用硝黃弱

者須滋燥潤腸或蜜導

虛火由勞心好色七情內傷以致腎水虧損火上炎午後

痛甚者宜滋陰降火此証初起有覺咽喉乾燥如毛草硬物刺梗微紅腫痛甚者日

久紫暗不鮮頗似凍榴子色其後破爛腐衣疊若蝦皮聲音雌啞臭腐延蝕妨碍飲

食宜知柏地黃湯

見虛損

若吐酸甜涎者甘露飲見虛損加黃連便燥者煉過猪油白蜜各

半挑服二匙日三五次腫吹紫雪散腐吹八寶珍珠散此治腎水虛火炎者若腎陽

衰虛下焦陰寒之氣逼其無根之火上冲者亦午後痛甚須八味丸

見虛損

料大劑煎

湯冰冷與飲引火歸原乃可救切不可用寒涼人之咽喉如曲突曲突火炎若以水

自上灌下實爆裂矣惟竈床下以盆水映之上炎即熄所謂上病療下也亦忌發汗

針砭出血

又有中焦陽衰虛浮之火上炎而咽痛面赤喉乾口舌生瘡遇勞更甚

或午前甚者其脈必浮大

見中寒

加山藥

見右降

山茱萸

見左降

或補中益

氣湯

見氣加

麥冬桔梗牛蒡子若面唇俱白不寐懶食歸脾湯

見血加

酒炒川黃連俱用

冰硼散

見口

一錢加燈草煨灰存性者三分吹之立效

見燈草

紅腫無形最宜

凡屬虛証其勢

必緩其色亦淡其腫亦微

喉癰喉間生紅絲如戈蜜紋又如秋海棠葉背乾燥而癢久則爛開有小孔如蟻蛀

故又名天白蟻由過食辛熱致胃火上炎灼肺所致癆証亦多此皆屬火盛水虛觀

其乾燥不腫可知矣宜廣筆鼠粘湯未潰吹礬精散已潰吹清涼散須清心寡欲戒

厚味發物庶可保全若至喉啞或爛開疊起腐衣形如蟻蛀多不救 喉菌狀如浮

萍色紫憂鬱氣滯血熱使然婦人多患之初用碧丹五金丹一後則碧三金二吹之

噲清靈膏服喉痺飲喉瘡層層如疊不痛日久有竅出臭氣枸杞葉燒酒頓服 久

嗽喉痛烏梅肉五分柿霜天冬麥冬朋砂各二錢玄參一錢蜜丸合化 會壓痛詳

下瘡門 喉柱腫痛燒鹽枯礬研勻箸頭點之即消內服甘桔射干湯禁針傷命

凡喉証已碎也破損者先吹長肉藥後用碧丹痰不出用金丹加製皂角少許倘至穿

爛多用口疳藥見加龍骨珍珠 凡喉証無痰者不治水涸也且無可去閉從何通

故難 凡喉証舌腫滿口色如胡桃茄子硃砂紙不治 最忌口渴氣喘痰如桃膠

一脰皆腫面紅紫或青白無神皆惡候 凡喉証急切無藥牙皂一個蜜調程水煎

服 凡喉証用諸冷藥不效者宜薑汁然已破損者用薑汁則辣痛且散而難收又

在所禁矣

喉痛則呼吸難通言語難出咽痛則不能嚥嚙納食喉痺必兼咽痛咽痛未必兼喉

痺

咽中結塊飲食不通此危証射干牛舌葉汁海藻俱治此然不若百草霜蜜丸艾實

大新汲水化服甚者不過兩丸

咽痛必用荊芥陰虛火上炎者必用玄參氣虛人參加竹瀝血虛四物見加竹瀝實

熱三黃丸

熱發

或黃連荊芥薄荷為末薑汁蜜調噙或山豆根噙風熱表散之散之

不已則收之

或單用礪砂或和胆礬白殭蠶白霜梅噙不宜過用寒藥括姜一個白

殭蠶微炒五錢桔梗七錢甘草炒二錢為末每用少許吹之紅腫可用此散一錢加

朴硝一錢吹之嚙津有小白頭瘡者此散一錢加白礬五分吹之

咽痛諸藥不效

者非咽痛也乃鼻中生一紅絲懸一黑泡如櫻珠垂掛到咽門碍飲食用生牛漆根

直而獨條者洗淨加好醋三五滴同研細就鼻孔滴二三點入去則絲斷珠破立安

若潰腐久不愈由楊梅毒者須以草薢土茯苓為主

咽喉中有物不能吞吐如毛刺如絮如膜如梅核如肉贅均名梅核氣由氣結生痰

日久恐成噎膈木香四七丸蘇子降氣湯四七湯

見二方

或人參官桂枇杷葉各五錢

杏仁二錢五分蜜丸彈子大含化以愈為度或胆礬礪砂牙皂雄黃棗肉丸芡實大

噙化溫黃酒一杯過口清咽屑更佳

諸物哽喉三因方煮薤白令半熟以綿縛守手熱線頭少嚼薤白嚙之度薤白至硬

處便牽引硬即出矣

秘方用傾銀爐上倒掛灰塵砂糖和丸嚙之自下

骨硬槿

樹葉油馬尾勃砂糖三味熬膏為丸噙化

芋麻杵爛丸如彈子大將所哽物煎湯

化下

禽獸骨硬以犬吊一足取其涎徐徐嚙之

剪刀草如野茨菇生蘿塹間其

根白斫之則如膠用順水吞下即吐出骨不過兩三口效 研萱草根順水下亦佳